



Minggu, 11 Desember 2022

Ogen: Masmur 37:23-24



TUHAN SINEGU TANNA



Sada lagu rohani '*Tuhan menetapkan langkah langkah orang yang hidupnya berkenan kepadaNya, apabila ia jatuh tak sampai tergeletak s'bab Tuhan menopang tangannya. Tangannya, tangannya S'bab Tuhan menopang tangannya Apabila ia jatuh tak sampai tergeletak S'bab Tuhan menopang tangannya*'. Lagu rohani enda erpalasken kata Dibata si jadi renungenta wari enda. Si mabai kita kuga perbahanen Tuhan ku bas kegeluhen kalak si erkiniteken. Enda salah sada janji Tuhan man kalak si ngena ateNa. Ikawali ras itegu-teguNa. Rikutken padanNa enda me pemasmur tetap kal ukurNa ndalani kegeluhenNa, labo pernah ia itadingken Tuhan kentisik kal pe.

Payo kin kalak bujur ras ngena ate Tuhan la pernah guling, la ndabuh? Lang, kegeluhenna seri nge ras kalak si enterem, tapi kuga ia ngalakenca pasti lit bedana. Janah sada si pasti, amin pe sempat guling ntah ndabuh, la mekelek sabap Dibata si negu ia, Dibata si numpak-numpaksa. Kata enda pe ngajuk kita gelah ula pernah erpenundalen ku bas gegeh manusia, amin lit temanta si setia, kandu-kandunta si rembak kal ras kita, kalak si tempa angkana perbebenta. Labo lit teman si lebih setia asangken Dibata.

Bagi kata bijak si isuratken Daniel Shroyer, nina '*Jangan ragu bahwa Tuhan memegangmu dan jangan ragu untuk satu menitpun bahwa Tuhan mengasihimu.*' Ula ragu, tetap ukur ijemakNa tanta, la pernah ipulahiNa, tetap igelemNa. Labo tupung erdalan saja kita iteguna, tapi sanga tunduh e pe ijemakNa tanta tandaNa keleng kal ateNa kita. Teklah keleng kal ate Tuhan kita. Amin kai gia jadi, erbage si man alanken tapi labo pernah kita ipedauh ntah pe itadingkenNa.

☞ *Bepeken la terjeng e saja ere tanndu iteguNa janah ikutkenlah*